

Mensahe 9

**Pagtukod ug Pakig-away—
ang Panginahanglan nga Makig-away sa Espirituhanong Away
aron Matukod ang Iglesia**

Basahong Kasulatan: Neh. 4; Efe. 1:19-23; 2:6, 21-22; 4:16, 23-24; 6:10-20

I. Gisaysay sa Nehemias kapitulo 4 ang pag-ulang sa kaaway kala-bot sa pagtukod pag-usab sa syudad:

- A. Nasuko ug nasungot gyod pag-ayo ang mga kaaway; gitamay nila ang mga Judio ug ang buhat nila sa pagtukod—vv. 1-3:
 - 1. Nasuko ang mga kaaway kay nagpadayon ang buhat sa pagtukod, ug hiniusa silang naglaraw og daotan nga moadto ug makig-away batok sa Jerusalem—vv. 7-8.
 - 2. Nisalig si Nehemias sa Dios sa pag-ampo niya nga isumbalik sa Dios kanila ang ilang pagtamay; busa, gitukod sa mga Judio ang paril, kay duna man silay kasingkasing sa pagbuhat—vv. 4-6.
- B. Nag-ampo ang mga Judio sa ilang Dios, ug sa pagtudlo ug paggiya ni Nehemias nagbutang silag bantay batok sa kaaway sa adlaw ug gabii:
 - 1. Andam silang makig-away gamit ang mga hinagiban tungod sa pagdasig ni Nehemias, nga nagtudlo nila nga hinumdoman ang dako ug makalilisang nga Ginoo ug makig-away alang sa ilang mga pamilya—v. 14.
 - 2. Nagbuhat sa buluhaton ang katunga sa mga sulugoon ni Nehemias, ug nagbitbit og mga hinagiban ang katunga nila, andam nga makig-away—v. 16.
 - 3. Sa usa ka bahin, andam nga makig-away ang mga anak sa Israel; sa laing bahin, nisalig sila sa Dios, nituo nga makig-away Siya alang nila—vv. 9-23.
 - 4. Isip hepe-komandante, usa si Nehemias sa mga andam makig-away sa kaaway; niapil siya sa pagtukaw sa gabii ug wala niya ipiyal sa uban kining mga butanga kondili nisalmot siya mismo niini—vv. 17-23.

II. Dili sayon nga buluhaton ang pagtukod sa iglesia nga syudad sa Dios; makatukod lang ta pinaagi sa pagpakig-away—Efe. 2:21-22; 4:16; 6:10-20:

- A. Sa namauli na ang mga anak sa Israel gikan sa ilang pagkabihag, nibangon sila si Esdras, Nehemias, ug uban pa aron tukoron pag-usab ang templo ug ang balaang syudad pinaagi sa hilabihang pakig-away.
- B. Ang mga Israelinhong nagtukod uban ni Nehemias nangabudlay sa usa ka kamot aron magtukod ug nagbitbit sa ilang mga hinagiban sa usa pa ka kamot aron makig-away sa gubat (Neh. 4:17); nagpadayag kini nga mangabudlay ngani ta sa pagtukod sa Dios, malambigit gyod ta sa gubat.
- C. Kalabot sa pagtukod sa puluy-anan sa Dios, dunay tinuod nga pa-

Mensahe 9 (sumpay)

nag-away, mapintas nga panag-away tali sa Dios ug sa Iyang kaway—vv. 1-3, 7-8:

1. Dili gyod gusto ang kaway nga mouswag ang pagtukod sa puluyan sa Dios.
 2. Buhaton ni Satanas ang tanan niyang mahimo sa pagsanta, pagulang, pag-ataki, ug paglaglag—Mat. 16:18-19.
- D. Tukoron gyod nato ang iglesia nga templo ug makig-away sa gubat aron mabatonan sa Dios ang gingharian—6:10.
- E. Mamalhin nganig puyo ang mga balaan aron magpakaylap sa iglesiahanong kinabuhi, kasundalohan sila nga nakig-away sa gubat—itandi sa Buh. 8:4-12.
- F. Ang mga nagtukod sa iglesia magtukod ug makig-away sab gyod—Neh. 4:14, 16-21.
- G. Kon walay pakig-away ug walay espiritu sa pagpakig-away, walay pagtukod; nagkinahanglag makaugtas nga pakig-away ang pagtukod.

III. Aron matukod ang iglesia nga Lawas ni Cristo, gikinahanglan ang espirituhanong pakig-away—Efe. 6:10-20:

- A. Makasusubo nga sa iglesia karon halos walay usa sa mga magtutuo nga nasayod ning espirituhanong pakig-away; tungod kini sa kaluyahon sa kinabuhi, kakulang og espirituhanong kusog, ug dili igo nga katinaw sa kahayag sa kamatuoran.
- B. Gibasi sa pagdaog ni Cristo ang espirituhanong pakig-away—Heb. 2:14; Col. 2:15; 1 Juan 3:8:
1. Nag-agad sa pagdaog ni Cristo ang pagsugod sa espirituhanong pakig-away; pagkakita kini nga gipildi na ni Cristo ang kaway—A. A. 4:8; Bug. 3:21; 5:5-6:
 - a. Gipadayag ang Anak sa Dios aron maglaglag sa mga buhat sa yawa—1 Juan 3:8.
 - b. Sa pagpakatawo ug pagkinabuhi ni Cristo isip tawo gipildi Niya si Satanas sa dihang gitintal Siya didto sa kamingawan—Mat. 4:1-11.
 - c. Pinaagi sa kamatayon gilaglag ni Ginoong Jesus ang yawa, nga dunay gahom sa kamatayon; giwagtang, gipawalay-pulos, Niya si Satanas—Heb. 2:14.
 2. Ang buhat sa iglesia dinhi sa yuta pagmintinar man sa kadaogan ni Cristo; nidaog na ang Ginoo sa gubat, ug nia ang iglesia aron magmintinar sa Iyang kadaogan—Efe. 6:11, 13.
- C. Ang pakig-away tali sa iglesia ug ni Satanas pakig-away man tali natong nahigugma sa Ginoo ug naa sa Iyang iglesia ug sa daotang pwersa sa kalangitan—v. 12:
1. Ang mga pamunoan, mga pagbulot-an, ug magbubuot-sa-kalibotan ning kangitngitan mao ang masupilong mga manulonda nga nisunod ni Satanas sa pag-alsa niya batok sa Dios ug maoy nagbuot

Mensahe 9 (sumpay)

karon sa kalangitan ibabaw sa kanasoran sa kalibotan—Col. 1:13; Dan. 10:20.

2. Makaamgo gyod unta ta nga dili batok sa mga tawo ang pakig-away nato kondili batok sa daotang mga espiritu, sa daotang pwersa, sa kalangitan.
- D. May kalabotan sa Lawas ni Cristo ang espirituhanong pakig-away; makig-away gyod ta diha sa Lawas—Efe. 1:22-23:
1. Dili tinagsa nga butang ang espirituhanong pakig-away; may kalabotan kini sa Lawas—4:12, 16; 5:30.
 2. Hiniusang mag-aaway ang iglesia, ug hinimo sa tanang magtutuo kining hiniusang mag-aaway—6:10-20.
 3. Kon basahon nato ang Efeso sugod sa capitulo 1 hangtod sa capitulo 6, makita nato nga may kalabotan sa Lawas ni Cristo ang pakig-away, ug bag-ong binuhat ang Lawas nga naa ni Cristo, naa sa Espiritu, ug naa sa kalangitan—2:6:
 - a. Kon wala tay kinabuhi sa Lawas, dili ta arang makaaway sa espirituhanong pakig-away.
 - b. Aron makaaway ta, maanaa gyod ta sa realidad sa Lawas—4:12, 16.
 4. Sa hiniusa na tang maporma nga kasundalohan, makaaway na ta batok sa kaaway sa Dios—6:11-12.
- E. Sa pagbatok sa kaaway sa Dios, magpagahom gyod ta sa kadako sa gahom nga nagbanhaw ni Cristo gikan sa mga minatay ug nagpalingkod Niya sa kalangitan, labaw sa tanang daotang espiritu sa kahanginan—v. 10; 1:19-22:
1. Sa kamatuoran nga kinahanglan magpagahom ta diha sa Ginoo nagpakita nga sa atong kaugalingon dili ta makaaway sa espirituhanong pakig-away batok ni Satanas ug sa daotang gingharian niya; makaaway lang ta diha sa Ginoo ug diha sa gahom sa Iyang kusog—6:10.
 2. Ang sugo nga magpagahom nagpasabot sa panginahanglan nga gamiton gyod ang atong pagbuot; kon buot tang magamhan alang sa espirituhanong pakig-away, kinahanglan nga lig-on ug gamiton gyod ang atong pagbuot—A. A. 4:4.
- F. Kinahanglan masayod ta ug iaplikar ang mga prinsipyo sa espirituhanong pakig-away:
1. Ang unang prinsipyo sa espirituhanong pakig-away mao nga dili ta makagamit sa unodnong mga hinagiban, mga laraw sa tawo, ug natural nga mga pamaagi; kay dili man batok sa unod ang espirituhanong pakig-away kondili batok sa espirituhanong pwersa (Efe. 6:12), dili gyod unodnon ang mga hinagiban (2 Cor. 10:3-5).
 2. Ang ikaduhang prinsipyo sa espirituhanong pakig-away mao ang pagpabilin sa posisyon sa pagkayab—Efe. 2:6:

Mensahe 9 (sumpay)

- a. Sa pakig-away, importanteng taktika ang makaposisyon ibabaw sa kaaway.
 - b. Naa sa kahanginan si Satanas ug ang espirituhanong pwersa niya, apan gipalingkod ta sa ikatulong langit ibabaw nila—v. 6.
 - c. Nailalom nato si Satanas ug ang pwersa niya, ug palad nila nga mapildi nato.
3. Ang ikatulong prinsipyo sa espirituhanong pakig-away mao nga mogamit gyod tag espirituhanong mga hinagiban—2 Cor. 10:3-5:
- a. Gamhanan ang espirituhanong mga hinagiban nga mopukan sa mga kuta sa kaaway—vv. 4-5.
 - b. Sa makig-away ta, kinahanglan nga iya gyod sa espiritu ang tanang kalihokan nato, nga nakatandog sa pagbati gikan sa sulod sa atong espiritu; hilabihan kasukaranon kining prinsipyo.
4. Ang ikaupat nga prinsipyo sa espirituhanong pakig-away mao ang pag-ampo og mga pag-ampong nakig-away—ang mga pag-ampo sa espirituhanong pakig-away—Mat. 6:9-10, 13:
- a. Bisan anus-a ug bisan asa nga naay pagtukod sa iglesia, naay kalihokan sa mga ganghaan sa Hades batok niini; busa, gikinahanglan ang mga pag-ampong nakig-away—16:18-19.
 - b. Kon makita nato nga ang mga pag-ampong kinadak-an og bili mao ang mga pag-ampong naa sa pagkayab, nan, makasabot ta nga pakig-away ang pag-ampo, ug moampo tag mga pag-ampong nakig-away; kana ang kinaiya sa pag-ampo nga gihisgotan sa Efeso 6:
 - 1) Tanang pag-ampo nga gipadayag diha sa langitnong ginsakpan ug naggikan sa trono sa Dios mga pag-ampo man nga nakig-away—Bug. 5:8; 8:3-5.
 - 2) Kon naa ta sa langitnong ginsakpan, makaampo tag mga pag-ampo sa pagkayab, mga pag-ampong nakig-away—Efe. 2:6; 6:18.
 - c. Malig-onan ngani ta, mabag-o ta; mabag-o ngani ta, mapuno ta; mapuno ngani ta, masangkapan ta aron makaaway; diha man sa espiritung nakig-away nga makaampo tag mga pag-ampong nakig-away sa espirituhanong pakig-away—3:14-16; 4:23-24; 5:18b; 6:18.
 - d. Mobarog gyod ta batok sa mga estratehiya sa yawa sa pagpakig-away nato diha sa Lawas pinaagi sa mga pag-ampong nakig-away, mag-ampo sa tanang panahon diha sa espiritu aron isul-ob ang tibuok hinagiban sa Dios para matukod ang Lawas ni Cristo nga balay sa Dios alang sa himaya sa Dios ug gingharian sa Dios nga kabut-an sa Dios aron hingpit nga matuman ang pamatigayon sa Dios—vv. 10-20.